

壽

友

新

編

上卷

光緒壬辰年
為錄月上游
道合山房刊

今夫體天地好生之德日以濟人爲念者非醫也哉
昔范文正當秀才時以天下爲己任曰不爲良相便
爲良醫無非欲效法於天地耳今南州 萬潛齋先
生道宗孔孟業習歧黃殆亦同此意也乎 先生弱
冠入黌宮閱黃卷外復究青囊固因秉受素羸擬壽
身而兼壽世而其寢饋於歧黃家言十餘年手不釋
卷者實爲 北堂齊家教子操勞而成氣痛之恙耳
邇來慈竹漸報平安壽算將臻耄耄皆 先生昆季
奉養之誠藥餌扶持之力稱之爲孝不亦宜乎至於

知交中遇疑難之症庸醫所束手者誠心求診亦莫
不痼瘵在抱悉心以調治之故所立之方無不效如
桴鼓誠親炙有年屢見因奇症而著奇功活人無算
竊以爲五方之風氣不齊病源迥別一人之精神有
限普濟殊難且傳藥不如傳方可垂後世遂以著書
請而先生曰否否歷來名流迭出醫書汗牛充棟
幾於菁華洩盡矣何待卮言贅及徒拾人牙慧耶復
以所用驗方請付棗梨以廣流傳俾粗知文理者急
時有所遵循先生始應之曰然於是廣搜博採精

益求精若外感瘧疾痢疾及小兒門本諸名手成方
隨症加減所論悉簡而明婦科外科尤爲無法不備
有心者一寓目焉醫理思過半矣中毒後繼以雜方
具徵周巾中有極簡便者雖遐陬僻壤不至有待斃
之嗟末更附載衛生要旨遵而行之延年卻病可操
左券幸勿置諸高閣視元詮如敝屣也是書或求藥
於病後或治病於未萌法良意美將措天下於康衢
登斯民於壽宇莫不由此以基之矣特顏其書曰壽
世新編其義真不謬也

誠

知之稔故記之詳爰綴數

語於簡端以紀梗概云爾時

光緒十八年壬辰閏天貺節後願學生趙本誠慕韓
氏書於豫章客次

自序

余天生廢材也賦性懶散不合時宜自幼瘠羸不離
苦惱雖弱冠幸博一衿而於名途早無奢望也癸酉
爲醫所誤大病幾死且因家慈過勞多疾遂矢志
學醫歧黃家書自內難金匱傷寒而外莫敢不讀蓋
將已二十稔矣然醫理淵深終慮其未精也親友中
遇有疑難險症輒拉治於余間以大劑起之自是浪
得虛名而聲聞過情恥孰甚焉乙酉長兒病殤疑自
誤藥悲極之際百念俱灰幸天牖厥衷忽悟四大皆

空一切皆非我有乃棄科舉謝應酬怡情山水留心性命繼而杜門不出終日靜坐鼓琴雖人呼爲馬牛斥爲異端而弗顧也暇則與契友 趙君慕韓討論參同道德南華楞嚴諸篇絕口不談醫者三載矣而就診者日益衆顧余不自信而人卒信之伊可怪也夏間 趙君見余日與疲癯殘疾者相往來金石草木中爲寢饋亟以著書請余謂學問之淺如僕才識之陋如僕性情之質直疏畧又如僕迺喻徵君所謂誦讀無靈遁而之醫者歟今且診治無靈遁而之道

矣敢以著述欺世哉况 國朝人才蔚起名醫如林
若柯韻柏喻嘉言張隱庵葉天士薛一瓢徐靈胎陳
修園吳鞠通黃元御王孟英諸先生類皆卓然可傳
其著作之精論說之富直足上探造化之原而深入
歧軒之奧亦何待鄙人之著述哉而 趙君請益力
謂某二十年學醫之苦志未可付諸逝水也卽不搜
奇探異自闢一途詎無數十名方以濟人病苦耶雖
然某縱自顧不才而 趙君愛我之深濟世之切固
不可無以慰之也遂將平昔所歷驗各方與疑難諸

症和盤託出急付手民聊以副諸君子好善之懷

耳而謂著書傳世則余豈敢

光緒壬辰年季夏月南昌方內散人謹識於洗心退

藏之室

其

凡例

一古今方書汗牛充棟而顧有誇侈神奇試用毫無影響者是編所載皆親經歷驗或得自友人祕傳否則見不的確概不登錄且談症處處詳明庶免錯用誤事願得此書者常置案頭隨時翻閱洵利己利人之事也

一 是編原爲方便起見雖醫書所論各症未能徧及而於常見之病最驗之方無不記載從此而精求之於醫道亦思過半矣

書十
一瘡痢兩門世所推重者莫如倪氏三方是卷皆
不錄何也陳修園鄙其庸陋斥爲殺人之具雖
未免言之太過但印送者多人人共見故不復
贅及也

一 是書於外科黃腫諸病言之最詳竊見貧人一
患癰疽腫脹世俗庸醫借端需索以致拖延潰
爛非傾家產卽成殘廢腫脹尤多誤治最易斃
命殊可哀憫因廣採名家靈驗諸方刊布論症
不厭於詳列方不厭於複願好善諸君子或於

各丸中隨製一二救濟窮黎功德殊非淺鮮也
一外科莫妙於醫宗金鑑瘍科選粹徐批外科正
宗外科全生集全生集尤精而當簡而賅正宗
內已備採之此書只採陽和一湯至醒消丸犀
黃丸小金丹諸神方皆未錄取正欲有志之士
上溯真源精益求精也然外科大法是書具備
善於化裁者已足用之不竭矣

一友人章耀堂饒再生蔡少垣竹軒暨李蘭齋固
卿黃子修袁子良子純諸公屢請傳出應驗各

善世齋編
方惟余性疏慵又素不善書是編輯錄謄寫校
謬訂訛皆趙君慕韓之力其利濟爲懷心精力
果與諸公同余遠愧不如也茲將所得祕方盡
行洩出急付手民聊以慰 諸君子好善之殷
非敢云著書立說也

一 是書隨症談理其中發揮無一字敢涉杜撰者
至補偏救弊之處則皆本諸名賢如論治房勞
傷寒及陰霍亂生化湯諸條玩索有得不惟有
益於病家未始無益於醫家也

一製藥施人極是難事近今藥肆多不存心逢人修合丸散每以藥皮藥屑攙入且取易於研碎必須炒黑致藥已成死灰何能見效且初製藥之家外面未甚出名討取者少歷久收藏不固必上霉生蟲遂不欲再製矣舍間久經閱歷故不難備言顛末凡欲製諸丸散必須另檢咀片請藥店人到家親自監造當炒製者卽炒製否則烘乾或晒乾研極細末再煉白蜜爲丸烘曝極乾磁器收貯小罐用黃蜜熬黃蠟封口大罐

用紙重封務使勿洩氣爲要另用一有蓋大甕
將新鮮出窖石灰打成小塊不用水發存三五
斤於甕底上用棉紙二三張蓋好再將一切貯
藥瓶罐等用木盒裝放於上上年一二月一換
下年三四月一換永遠不壞誠爲妙法但諸膏
不宜久放久放則成碎粉耳

一 是書末附衛生要旨一則欲人知受疾病之原
明調攝之法清心寡慾養氣凝神不專求諸金
石草木也

一古人謂傳藥不如傳方是書務期廣遠流通四方善士如有發心印施多部者福有攸歸外府外省若能翻刻尤慰鄙懷但乞校對無訛耳



Vertical text on the left side, likely bleed-through from the reverse side of the page. The characters are faint and difficult to read, but appear to be arranged in a column.

壽世新編目錄

外感雜方

四時藥茶方

仙傳黃金丹

溫中和氣救逆湯丸

獨聖散

神香散

外治轉筋方

治一切陰陽痧斑痧烏痧絞腸痧霍亂等症

又法

靈通萬應丹

即痧藥

加味藿香正氣散

霍亂簡便奇方

又柳州治乾霍亂神方

冬瓜湯

痧症二方

刮痧法

瘧疾門 并論

治瘧藥酒神效方

牛皮膠

平瘧養脾丸

痢疾門

仙傳痢疾散

痢疾奇效方

痢疾簡便靈方

半貝散

冷水丹 附人言製法

痢疾丸

治紅白痢裏急 後重神效方

和中丸

噤口痢

外治噤口痢神方

又驗方

婦科

調經驗方

少腹逐瘀湯

調經種子第一神方

女寶丹

安胎驗方

安胎神方

安胎補火湯

千金鯉魚湯

神效保產無憂方

加味芎歸湯

蔡松汀先生難產神方

附王孟英先生服肉湯法

加減生化湯 附論

逐瘀定痛方

胞衣不下驗方

治產後血暈驗法

產後發暈辨明虛實 秘訣

華陀愈風散

回生保命黑龍丹

六神湯

清魂散

小兒門

預防小兒臍風 馬牙簡驗方

小兒初生出痘 永不冉出神方

稀痘仙方

神授預稀痘疹二方

稀痘丹

治小兒臍風撮口方

治小兒舌黑腫硬奇方

治小兒鵝口方

八寶丹

秘傳抱龍丸

沉瀝丹

瀉青丸

瀉白丸

化毒丹

小牛黃丸

沈香末子

小紅丸

蘇合香丸

雞肝藥

又雞肝藥

四寶丹

燒針丸

火瀉方

寒瀉方

立止水泄方

肥兒丸

秘傳五疳散

又肥兒丸

治小兒諸疳方

治小兒積滯方

治小兒疳氣攻目方

治小兒疳病方

治慢驚風心得神方

逐寒蕩驚湯

加味理中地黃湯

附慢驚便方

辨症簡切要訣

目疾門

消風養血湯

蟬花散

洗刀散

金露散

水眼藥秘方

石斛夜光丸

附名案數條

瘡毒門

仙方活命飲

荆防敗毒散

十宣散

敷火眼及風熱眼方

磨光散

磁硃丸

二百味草花膏

神授衛生湯

托裏消毒散

竹葉黃耆湯

蓮子清心引

內疏黃連湯

加味銀花甘草湯

四妙湯

陽和湯

回陽三建湯

托裏溫中湯

神應異功散

神燈照法

桑柴火烘法

灸法

隔蒜灸法

黃蠟灸法

附子餅灸法

豆豉餅灸法

罌槽灸法

麥冬粳米飲

洗法

葱歸湯腫湯

豬蹄湯

砭法

陽燧錠

拔法

如意金黃散

真君妙貼散

冲和膏

圍法

艾茸敷法

鍼法

烙法

蒸法

敷法

四虎散

回陽玉龍膏

烏龍膏

琥珀蠟礬丸

頭瓶糝

二瓶糝

三瓶糝

珍珠散

陰毒內消散

陽毒內消散

當歸補血湯加

防風連翹方

止痛當歸湯

蟾酥丸

梅花點舌丹

六神丸

治疔瘡捷方

家秘爛口神效散

蘆薈消疔飲

家秘神驗松葱膏

神效瓜萸散

治乳癰潰爛方

治乳癖驗方

靈寶膏

治發背對口及一切瘡疔

發背真秘方

神膏方

對口瘡仙方

三香定痛飲

又治對口捷方

炙粉甘草膏

治繫瘤法

治紫白癜風神方

治遠年男女陰陽血癬牛皮各癬奇效方

土大黃膏

銀粉散

治久癬變成溼爛瘡方

治癬驗方

治乾瘡煎藥

洗癬疥膿窠方

治瘡合掌丸

當歸飲子

磁鍼砭法

取扁柏葉抽打法

治軟癩方

三物散

治腋癰異方

隔紙拔毒生肌神膏

白油膏

消風散

防風升麻湯

用油菜敷法

黃連膏法

豬頭散

治諸癩孔內凸出方

努肉

治天蛇頭方

又隔紙膏治臙瘡秘方

黃油膏

治螺螄骨爛秘方

楊梅瘡

治楊梅瘡秘方

蠲毒換肌飲

史搢臣治梅瘡方

治梅瘡捷法

洗藥方

陳修園治梅瘡二法

又治楊梅瘡秘方

神應散

擦藥方法

治雞燈疔魚口下疳方

又治下疳方

繆仲溥治下疳神方

又下疳繆方

治下疳極秘神方

清毒散

內服丸藥方

外治楊梅瘡法

洗楊梅瘡方

神異膏

烏金膏

化腐紫霞膏

生肌玉紅膏

加味太乙膏

萬應紫金膏

白玉神膏

跌打

玉真散

回生第一仙方

七釐散

八釐散

治跌打損傷神效膏

金鎗鐵扇散

黎洞丹

治婦人腳閃腫痛方

中毒

瘋狗咬奇方

蛇咬傷方

蜈蚣咬傷二方

解砒霜毒方

又救砒霜毒方

急救吞鴉片煙二靈方

戒洋煙神驗方

附加減法

附治生漆瘡方

雜方

治湯火傷三方

治火爆傷眼方

湯火傷數案

通治三十六種喉科

辛烏散

摩風膏

冰硼散

小兒喉鵝神方

加味如神散

又風火牙痛驗方

治蟲牙痛方

治風火蟲牙方

治風入齒縫脹腫作痛

細辛散

溫風湯

一服散

掃蟲煎

治蟲丹

荔香散

四香散

丁香止痛散

手拈散

氣痛簡便方

專治心氣痛神方

家秘祛痛散

散瘀清火止痛湯

滋水清肝飲

滑氏補肝散

枳芎散

推氣散

加味五苓散

仙傳神效梅花丸

氣痛救急良法

治陰症縮陽方

加減回陽救急湯

治寒嗽驗方

治久嗽不止神驗方

治吐血奇驗三方

黃病奇方

取黃法

黃疸腫脹

黃病神方

黃疸立效三方

試蠱法

蠱脹奇方

食蠱方

四肢腫脹方

治五臟神方

葫蘆糯米酒飲

猪肚大蒜湯

蝦蟆砂仁湯

蘿蔔砂仁湯

田螺解脹敷臍二方

治水臆神方

開鹽醬服藥方

金液丹

啟峻湯

實脾飲

復元丹

自製補化湯

十香丸

五皮飲

專治徧身溼腫秘方

導水茯苓湯

禹餘糧丸

附論并案

附藥酒奇方

衛生要旨

數十條



壽世親終

壽世親終

四時藥茶方

此茶祛風逐溼清熱散寒寬胸導滯利氣化痰汗不傷元攻不尅正統治風寒

外感發熱惡寒頭目脹疼腰腳酸痛傷風咳嗽
鼻涕流清以及食積痰滯嘔吐泄瀉飲食無味
似瘧非瘧汗出不澈一切四時不正之氣可以
統治孕婦虛人亦可用之但病久化熱唇焦舌
赤汗大出口大渴者則不可服審是風寒風溼
或先受暑熱後感寒邪者無不相宜有力之家
製施貧民以救疾苦功德實
無量焉。方內散人手定

川羌活

一兩

法半夏

三兩

北杏仁

二兩去皮尖炒

漂茅朮

二兩

紫川朴

二兩

尖川貝

二兩

軟秦艽

二兩

明玉

竹

三兩

陳建曲

三兩

正川芎

二兩

廣陳皮

一兩

香葉

一兩

煨天麻

一兩

芽桔梗

二兩

蘇扁豆

三兩

香白芷 一兩 陳枳殼 六兩 蘇薄荷 一兩 北防風 二

兩 結雲苓 三兩 薏苡仁 三兩 白歸身 三兩 京赤芍

二兩 飛滑石 三兩

外加淡姜片 二兩 大紅棗 五十枚 同煎

右共廿四味除姜棗須選道地咀片照戩依製

將大銅鍋煮取濃汁鐵鍋亦可用再將紅茶葉

五六斤或七八斤襲入炒勻取起另烘乾庶免

傷火候冷磁罈收貯封緊勿走藥性如走藥性或兼受霉

恐不臨用時再取大撮開水泡服汗若出透不

應驗

可再進病自輕愈

靈通萬應丹

即炒藥

茅山蒼朮

三兩米汁水浸七次

綿大黃

六錢

明雄黃

三兩八錢

飛辰砂

三兩六錢

真蟾酥

九錢燒酒化如飴糖用大黃末拌晒乾

明天麻

三兩六錢

真麝香

三錢

公丁香

六錢

麻黃

三兩六錢去淨節

甘草

三兩四錢

右藥各取淨粉燒酒泛丸如椒目大辰砂爲衣

用磁瓶收貯將蠟封口勿令洩氣臨用時照法

吞下無不神效

書七
一治痧症絞腸霍亂轉筋心口閉悶不省人事吐瀉不止欲吐不能欲瀉不能
用七丸放舌下俟舌微麻開水送下

一治中寒中暑痧脹頭風肚痛頭眩眼黑乍寒乍熱用七丸放舌下照前服立愈

一治中暑昏迷不省人事用三丸研末吹鼻取嚏後照前服七丸立愈

一治山嵐瘴氣四時污穢不正之氣中者用七丸照前服之立效

一治蛇蝎蟲毒傷及一切疔毒以數丸研末好酒

調敷患處立愈

一治驚死熱死魔壓死氣閉及痰厥冷厥等症只

要畧有微氣以數丸研末吹鼻灌下可活

仙傳黃金丹

專治一切寒熱暑溼時疫感觸四時不正穢氣兼治一切腹痛泄瀉赤白痢並

絞腸霍亂疔疔痰咳嗽等症

頂上真川連

二兩四錢

頂上真川貝

六錢

乾姜

二兩四錢

藿

香葉

三錢

廣陳皮

三錢

黃芩

二兩一錢酒炒

丁香

三錢

荊芥穗

三錢

畢撥

六錢

砂仁

三錢去壳

麥芽

三錢炒

車前子

六錢

浮皮

要淨

以上共藥十二味，須選道地料，不可加減分兩，共爲細末，用鮮荷葉搗汁爲丸，勿用蜜，每丸約重八分，一丸可救一人，小兒半丸，開水送下，病雖重，二丸必愈，服後惟忌魚半天。

此方係尙書余文毅公巡撫福建任內，遇

仙而得，時閩省疾病盛行，照方施濟，全活至數萬人。

是方治病應手立愈，蓋他方往往偏寒偏熱，惟

此方寒熱交制，暑溼皆宜，雖藥味平淡，而效驗非常，切勿輕視。仁人君子，於夏季有鮮荷葉

時多製施送功德無量

加味藿香正氣散

治吐瀉胸滿腹脹頭痛或口渴霍亂轉筋小便赤熱者寒熱雜感之

症若手足厥逆汗冷腹痛喜按則名陰霍亂宜溫中和氣救逆湯丸此丸切不可服

藿香葉 二兩

紫蘇葉 一兩

粉甘葛 二兩

漂茅朮 二

山渣肉 一兩

雲茯苓 二兩

嫩桂尖 六錢

廣陳皮

二兩 大腹皮 二兩

宣木瓜 二兩

建神曲 一兩

酒白

芍 一兩

陳香薷 一兩

煨枳殼 二兩

芽桔梗 二兩

法

半夏 一兩

大麥芽 一兩

炒扁豆 二兩

粉甘草 八

錢 建澤瀉 二兩

淡 猪苓塊 二兩

外感

照分足戩共研細末外用生姜搗汁一盞和白

水為丸或將腹皮生姜二兩煎水撞丸亦妙如

桐子大每服二三錢小兒量減

溫中和氣救逆湯丸

治時疫陰霍亂如神病症載後

生潞黨三兩淡泡吳萸八錢嫩桂尖一二兩紫蘇葉

八錢漂于朮二兩四陳灶心土高良姜二兩杭白

芍一兩西砂仁八錢白乾姜一兩六公丁香六錢

宣木瓜一兩法半夏二兩明附片三兩炙甘草一

兩二

右選道地藥料，照製足數，另用灶心土一斤，打碎，將河水六大碗，先煮半時，澄清去滓，又取樟樹二層皮六兩，將所煮灶心土之水，放下煎汁，和藥末爲丸。如桐子大，烘乾，磁瓶收貯，勿洩氣。大人開水服三四錢，不愈再服。小兒一二錢，酌量與之，可保吐瀉立止。如嘔吐太甚，百藥不能納者，可速用陳藕節七枚，煎水一茶碗，再吞送此丸，卽可不嘔。扶陽救急，有起死回生之妙。此方治大吐大瀉，四肢厥逆，冷汗直出，舌白不

渴。渴則飲熱數口而止。面唇晝白。腹痛轉筋。脈

沈細。或散亂。或伏等症。上數項乃陰霍亂的症。而汗冷肢厥腹痛轉筋。

尤無不備見者。又有外雖熱而內惡寒。或反不畏寒。面

色微赤。腹痛煩躁。但舌白不渴。卽渴亦欲飲熱。

數口而止。脈沈細者。亦是陰症。切勿誤治。余因

癸未年寒疫時行。醫藥稍遲。卽成不救。初起大

吐大瀉。腹痛轉筋。汗冷肢厥。肌肉瘦脫。後經製

此方。救活無數。自後凡遇陰霍亂。投以此丸。無

不應手取效。及一切陰寒心腹諸痛。喜按畏寒。舌白脈遲。

或吐或瀉者是借用皆驗。

方用理中爲君。所以急救中氣之脫。以止吐瀉也。加萸附者。所以溫少陰之寒。救腹中之痛也。加良姜丁香砂半者。所以溫中和胃調氣。以補理中所不及也。加木瓜桂芍。舒筋平肝。以救其轉筋。且桂芍並用。兩和榮衛。兼可救冷汗。又與姜附回陽也。紫蘇與樟皮芳香逐穢。可以行氣解疫。兼之河水趨下。灶土溫中。且皆能治嘔。故取效如神也。此方連年製送。功難盡述。但須認

定是陰症。縱大汗將脫。僵卧不語。亦可醫治。若

乾霍亂。欲吐不得吐。欲瀉不得瀉。則以獨聖散

為第一方。見温病條辨陽霍亂。嘔瀉頭疼。胸腹

寒厥冷治法。不外藿香正氣加減及香茹飲等

方。前已詳述也。

霍亂簡便奇方 統治陰陽霍亂、腹痛轉筋、但見

吐瀉不止。或但吐不瀉。即醉一服神驗。

樟樹二層皮。去粗皮不用一兩陳藕節七枚。通

預留如一時難綿紗女人所紡織布用者食鹽小
得不用亦可 通絡 杯

炒極熟用清水少許淬之，又炒又淬，以七次為度。另刮鍋蓋裏面灰屑一撮，共炒，鹽用布包紫。○温中和胃，蓋取鍋蓋曾受諸味，故能和味也。陳灶心土，大塊。○温，中止。

水煎服，立愈。如口大渴，加燈芯十五莖，烏梅肉

一枚，口不渴者不用。

獨聖散

治欲吐不得吐，欲瀉不得瀉，腹中攪痛，爪甲青紫，名乾霍亂。又名攪腸痧。此病最險，此方最神。

馬糞

不拘多少，陰乾，瓦中炕出青烟，宜時時撥動，俟烟

將盡，即取下，研成細末，過密篩，磁瓶收貯。服時

用極陳酒炖温，化服三五錢，片時即通大便，腹

痛立止，真神方也。馬糞愈，陳愈妙。無馬糞，驟糞亦可。無陳酒，開水亦可。此方屢試屢驗，宜預備救人功德莫大。

又柳州治乾霍亂神方

治乾霍亂不得吐瀉，甚至冷汗出而氣欲絕者。

鹽一撮，放刀上用炭火炙透，以熟童便和服，少頃即得吐下而氣通矣。或以新汲井水和服，亦可。如不敢服井水，即以開水攤極冷代之。

神香散

景岳

治乾霍亂腹痛之屬於寒溼凝滯者

絡

丁香

七粒

白豆蔻

七粒

右爲末，清湯調下，小腹痛者，加砂仁七粒。

王晉三曰：此方治寒溼痧脹，有神功，與益元散

治溼熱痧脹，可謂鍼鋒相對。按此方陰痧最宜

冬瓜湯 孟英 治霍亂大渴

冬瓜 去皮瓢

水煮清湯，俟涼，任意飲之。按永類鈴方，用陳倉米作湯，今改用冬瓜湯，其功更勝。蓋陳倉米雖能清熱，霍亂後用之，頗爲得宜。若邪勢方張，吐下未平之際，服之猶嫌其守，惟冬瓜甘淡微涼，

極清暑溼，無論病前病後，用以代飲，妙不可言。
卽溫熱病用之，亦良。

外治轉筋方

轉筋起於足腓，

俗呼腿肚

但以好燒酒擦其硬處，軟散

卽愈。

一法以省頭草同炒，塩擦之，亦良。

一法

作極鹹塩湯於盆中煖漬之。

一法以綿絮浸酒

中煎滾，取出乘熱裹之。

一法以醋煮青布，揜腳

膝，冷復易之。

一法男子手挽其陰，女人手揪兩

乳。

一法令病人偃卧，將膝腕內以手蘸溫水，輕

輕急拍，直待紫紅筋現起。即右陶所用瓷鋒刺出

血立愈。並治乾霍亂此名委中穴，在膝後對面。

痧症 陰痧則腹痛而手足冷，看身上有紅點，以

燈草火爆之，陽痧則腹痛而手足煖，用針刺指

頭少商穴，十指頭使出血，即解。少商穴在兩大

指頭上，指甲之內側，與出指甲之地相齊，只離

指甲內邊各一韭菜之地是也。或專刺十指頭

尖近甲處亦可，但勿刺入甲中耳。無論陰陽

二痧，忌食熱湯熱物。

又方

用食塩二斤炒熟以青布包更換熨胸腹

腰背久久熨之氣透即愈或以葱熨亦可再

以塩置刀口上燒紅陰陽水調服或吐或瀉愈而

凡一切陰陽痧斑痧烏痧絞腸痧霍亂等症白礬

三錢敲成米粒大粗末用陰陽水送下再用針刺

眉心頭頂心中指尖使出血立愈中痧腹痛或昏沈悶脹試

取生芋芴食之如非痧則難食是痧則甘美異常再食一箇脫然而愈

又法

以食塩一握揉擦兩手腕兩脇兩足心並

心窩背心八處擦出許多紫紅點漸覺鬆快而

愈一切痧脹及中暑霍亂等症雖垂死亦活此
第一簡便良方也。

刮痧法

有人因暴雨後中陰寒痧毒之氣上爲
嘔惡下爲胸腹絞痛以塩湯探吐其氣愈升其
痛愈劇因而上塞喉嗑不能出聲水藥毫不
入乃用刮痧法擇一光滑細口磁碗另用熱湯
一鍾入香油一二匙將碗口蘸油湯令其煖而
且滑兩手覆執其碗於病人背心上輕輕向下
刮之以漸加重碗乾而澀則再蘸再刮良久覺

胸中脹滯下行始能出聲頃之腹中大響大瀉
如注其痛遂減睡後通身搔痒發出疙瘩風餅
遍身而病愈今有於頸臂刮痧者亦能治病然
五臟之系咸附於背向下刮之邪氣隨降故毒
深病重者非治背不可也此爲患痧症者起死
回生之方神效無比

按霍亂一症最忌米飲乾霍亂尤忌生姜暫時不可
服粥或用藕粉百合粉服之俟吐定再用陳米
微炒煎服可也此症有陰陽有乾霍亂三種之

不同前方論內已詳言之茲復不惜再三申明。陽霍亂手足不冷小便短赤或口渴無汗或有汗亦熱或見頭疼腹脹輕者用加減藿香散或服生藕搗汁或用陳膏梁粟煎水微溫服均可立愈重者或大渴大汗舌紅便赤有用人參白虎湯者有用竹葉石膏湯者茲不載此二方恐人認症不的故也然此等症頗少夏月伏陰在內加之貪受寒涼恣服生冷之人必患陰症勢最危險陰霍亂一症數時不治卽死誤服藿香

正氣散亦死。初起卽大吐大瀉，手足無不冷。汗亦無不冷。腹痛喜按轉筋。陽霍亂亦有轉筋者，但無冷汗厥逆。余製定溫中和氣救逆丸，最爲神驗。至樟樹皮一方，無論陰陽霍亂，尤著奇功。乾霍亂欲吐不得吐，欲瀉不得瀉，腹痛轉筋，爪甲青紫，俗名攪腸痧，又名吊腳痧。惟獨聖散及鹽水方刮刺法，皆極妙。余見時下之醫，多不能辨別陰陽，以致誤人性命者屢矣。急將數方傳出，俾醫家病家咸知採擇。至於時賢王孟英先生所著霍亂論，無

法不備。登峯造極。突過前賢。尤爲醫者所宜究。

心也。

絞腸痧亦有陰陽。陰痧腹痛手足冷。用燈火焯痧法。陽痧腹痛手足煖。用刺十指法。

瘧疾

凡瘧疾口渴。切不可飲冷水。冷茶。並一切

生冷等物。犯之其疾更甚。惟姜湯乘熱服之。此

良方也。若熱瘧則不必拘。凡瘧疾未退時不

可飲食。俟其熱退盡。方可食之。不然必成痞積。

凡服截瘧之藥。必俟發瘧過後。方可食物。若食

早。疾必復發。下次截之不靈。凡小兒瘧疾多

有穢氣。必燒檀香。蒼朮等藥。以辟邪氣。更必常

常薰其衣服穢氣穢氣盡而邪易除矣

治瘧藥酒神效方

無論遠近一日間日二三日及胎瘧皆效但須發過二三次方可服

常山 錢五
草菓 一錢
尖川貝
知母
香附 各二錢

檳榔 錢六
白芷
陳皮 八分
甘草 錢

右藥用伏酒浸三日夜發日早空心炖温服之
只須一盞立效量大者多服一盞量細者小杯
亦可每藥一料浸酒斤半若欲應急隔湯炖一
炷香即出汗可用也

牛貝散

真川貝

六兩去心研細末

生半夏

四兩亦另研細末

二味於五月

五日午時和合入銅鍋內微火炒至嫩黃色冷

定裝入磁瓶勿令洩氣每服一分五厘生姜自

然汁二三匙

生半夏有毒得生姜汁便解姜汁必不可少

和藥隔水

燉熱在瘡未來先一時服下即愈重者再服一

次愈後戒食發物及南瓜雞蛋芋芴等二三月

後方不致再發

此藥可借作刀傷散不必用姜汁但以末乾搽之即止血止痛

牛皮膠

二兩

以生姜

三兩

搗爛如泥攪勻燉成膏聽

用於病發先一時用皂角水洗淨背脊拭乾再

以生姜一大塊、揉擦極熱、用寬長細布一大塊、

將膏攤上貼之、從衣領處貼起、一二日即愈、愈

後五日、將膏藥揭去、有人患者、依方治之、其效

如神、

冷水丹

此丹治瘧最神、雖有人言、製過無碍、但不可熱水服、素體過虛、及久瘧者亦忌之。

烏豆

四十粒 菜豆 四十粒 川椒 四十粒 明雄 一錢 人言 一錢

名曰信石、須製過方可用。

硃砂 五錢 為衣

右藥製造、先將烏豆、菜豆、川椒、三共研細末、再

入雄黃、人言、和勻、以水為丸、顆粒如烏豆大、發

病時先一時用水冷透吞服大人每服二丸小兒每服一丸此藥顆粒雖小力量甚大切不可多服服後須俟痰涎吐去方可進飲食烟茶等物孕婦忌服

人言製法用黃泥包好用木炭火儘燒勿令出烟倘出烟卽用泥閉住不閉住烟則人言化爲烏有再用水豆腐勾藤甘草同人言儘煮煮至豆腐帶黑色如此三燒三煮方可用之

平瘧養脾丸

不問遠年近日此藥不發不截誠治瘧疾之王道又擅去瘧之良能也

潞黨參

切片焙乾

漂白朮

土炒

白茯苓

乳蒸

真廣皮

酒炒

杭青

皮

醋炒

法半夏

乾焙

漂蒼朮

炒

紫川朴

姜製

北柴胡

酒炒

嫩

黃耆

蜜炙

結猪苓

炒

宣澤瀉

炒

嫩桂枝

焙

小常山

炒

大鱉甲

醋炙

正川芎

酒炒

粉甘草

炙

草菓仁

姜製

右藥一十九味俱等分共為細末酒煮麩糊為

丸米粒大每服一二錢米飲下有痞塊者加三

稜峩朮久瘧體虛者非此莫愈

按瘧疾一門方法多端病象不一熱重者宜清其熱

寒重者宜祛其寒痰重者宜滌其痰溼重者宜

治其溼，以及因風、因暑、因滯、因虛種種，按法治之，不拘成格，不執套方，無不效。如桴鼓，茲採取數方示人，原為便世起見。若學醫之士，尙宜博覽而變通焉。

痢疾散仙方

治赤白痢症，腹中滯痛，裏急後重，或兼惡寒發熱者。

茅蒼朮 三兩 米泔 三兩 生軍 兩 川羌 二兩 熟軍 兩 杏仁 兩

二兩去皮 川烏 兩五 去皮 兩五 生甘草 兩五

右共研細末，每用四分。體強病重者，可加至一錢。小兒減半。

孕婦忌。赤痢燈芯三十寸，白痢生姜三片。伏姜尤佳。

赤白痢燈芯三十寸、生姜三片、水瀉米湯調服、
噤口痢、陳火腿、腳骨煎汁、吹去油、調服、病重不
過數服、即愈、但燈芯、生姜、必須如法濃煎、方效、

痢疾丸方

漂茅朮六兩炒、熟西庄三兩、生西庄二兩、酒条苓四兩、川厚

朴二兩、姜二兩、苦杏仁三兩、皮尖去、川烏二兩、姜二兩、羌活二兩、只

殼二兩、生甘草一兩、炙甘草一兩

此方水洒為丸、大人每服二三錢、小兒酌與、重
者二三次、即愈、每年至夏秋之時、預製送人、無

不應驗功德無量引照前方

痢疾奇效方

不拘紅白久近皆治有患痢日夜不止
越二十八夜不能睡藥窮待斃者用此
一服即安三服全愈

蘿蔔

椎取自然
汁二酒杯

生老姜

自然汁
半酒杯

生蜂蜜

一酒杯

陳細

茶

濃煎一盞
和勻服

若無鮮蘿蔔或用陳乾蘿蔔菜煎水

或多用蘿蔔子冷水浸過搗取汁均可

治紅白痢裏急後重神效方

陳細茶

愈陳愈佳

山渣炭

白沙糖

紅沙糖

各

三錢

伏姜

一塊即三伏
內留乾生姜

痢疾方

尋世新編

痢疾

去

右五味濃煎服一二次即愈此方最簡便惟有
燒熱與溼熱積滯重者則不及杏仁一方且陳
茶葉與伏姜一時多不能得因其應驗併附刊
以廣其傳

痢疾簡便靈方

新鮮萊菔菜於立冬日多放瓦

上瓦上宜薄墊禾稈庶不壞爛

任風霜雨雪一俟立春即取

下挂在過風處愈陳愈妙或專煎水服或用三

五錢入前細茶方中全煎服亦妙且專服亦治

喉中痺痛失音

和中丸

此萬密齋先生方治久痢不止大人小兒皆可服惟初痢則不宜

黨參

三錢米炒

白朮

二錢土炒

茯苓

二錢

甘草

一錢

黃芪

二錢

酒炒桔梗

錢五

木香

六分炒

黃連

一錢酒炒

訶子

一錢煨

麩

肉蔻霜

一錢去油

車前

錢五炒

炒干姜

八分

澤瀉

錢五炒

陳

神曲

二錢炒

陳麥芽

錢五炒

當歸

錢五土炒

白芍

二錢酒炒

酒炒

右藥共為末水麩丸米飲下大人三四錢小兒

一二錢臨時酌量與之多服數日自愈如製丸

送人分兩須加五倍或十倍以便隨時施散

噤口痢

見食物則嘔不能下咽或不欲飲食名噤口痢此症最險附法數條於後

外治噤口痢神方

方蔭山治一小兒八歲患滯下、每夕百度、食入卽吐、乃以熟麩作果、分作二片、以一片中空之、用木鼈子三箇、去殼搗如泥、加麝香三厘、填入果心、貼臍上、外以帕繫定、用熱鞋熨之、待腹中作響、喉中知有香氣、卽思食能進、是夜痢減大半、二三日漸愈、後以此法治噤口痢多驗。

陳修園曰、丹溪治噤口痢、多用石蓮子、今此物真者絕無、余常用生藕磨汁煮熟、稍加糖霜、頻服、兼

進多年陳米稀粥、調其胃氣取效、此卽石蓮之意也、

又驗方

五穀蟲、於流水處洗極淨、瓦上焙乾爲末、每服一二匙、米湯或紅糖湯調下、便能思食、大有奇功、如湯水皆不能下、則用蘿蔔切片、蘸蜂蜜入口、噉之、嚙汁、味淡再換、久則自然思食、再進稀粥、則下矣、

痢疾法門最多、與瘧相仿、殊不易治、每年之中、病此

殞命者不少、心滋戚矣、余屢欲將霍亂瘧痢三
門、採取前賢方論、以及各種名案、類集成編、有
志未逮、俟他日終當了此願也、茲特先將投無
不利之靈驗諸方傳出、俾富人施製、以便貧民、
聊為好善諸君子之一助云、

婦科

調經驗方

當歸一錢五分 陳皮七分 川芎八分 白芍一錢 元胡索醋炒
大熟地一錢五分 吳茱萸二分 滾水泡去黑 香附酒炒

一錢五分 白茯苓八分 丹皮七分 經行先期色紫者加條

芩一錢五分 酒炒 經行後期色淡者加官桂五分 炮黑姜

五分 艾葉五分 醋炒 引用生姜一片水一碗煎至八分

空心溫服渣再煎臨臥服俟經行日服起連用四

劑次月再服四劑則經調受孕矣此方穩妙百試

百效不可妄為加減若兼有外感他症則且緩服

少腹逐瘀湯 此王玉田先生方治少腹積塊疼痛或少

腹脹滿或經血見時先腰痠少腹脹或經血一月見三五次接連不斷斷而又來其色或紫或

黑或塊或崩漏兼少腹疼痛或粉紅兼白帶皆能治之效難盡述

小茴香五分炒 乾姜二三分 元胡一錢 沒藥二錢研 當歸三錢

川芎一錢 官桂一錢 赤芍二錢 蒲黃三錢生 靈脂二錢炒

右方水煎服種子如神每經來時服起連服五劑不過四月必孕。○愚按此方腹中有瘀塊而見脹痛或經色黑不多者服之極驗若色淡而無瘀塊脹痛者則不宜服

調經種子第一神方 治婦人心中發熱少腹常

痛經寒久不受胎經水紫黑稀少或過期不至兩尺遲濇兩寸關洪大或絃數此為上熱下寒

之象、若不識脈者、不辨脈亦可、或腰腹脹痛、或

經行乾嘔等症、用之無不神驗、蓋症本寒熱夾

雜、故方亦寒熱並用、使寒者不寒、熱者不熱、適

以濟成溫也和、故名溫經湯、陳修園先生於婦

科中、最秘重此方、余初不深信、及試用之、屢著

奇功、加以心法加減、愈覺神妙、莫測、今不惜金

針度世、盡行洩出、得者珍之、

淡吳萸 錢五分、平時腹不痛、兼之火旺者、減去五分、體寒、腹常痛者、加五分、 全當歸

二三 正川芎 錢五 杭白芍 二錢 嫩桂尖 手足常冷、兼之麻痺

者用嫩桂尖，否則用桂枝心，火旺者用一錢，火衰者用錢五，冬月或二錢，真阿膠二錢，水酒

另炖法半夏二錢，體寒痰多者，加五分，或加一錢，沖沖法半夏二錢，體寒痰多者，加五分，或加一錢

芩一錢，台黨參錢五，津液不足，口常乾苦，素體火五分，台黨參錢五，津液不足，口常乾苦，素體火

粉丹皮錢五，血熱者用二錢，揀寸冬四錢，常時口乾唇舌紅者用二錢

二錢炙甘草錢五，胸腹脹滿者減去，淡生姜一切薄片，錢五，胸腹脹滿者減去，淡生姜一切薄片

分體寒痰多易嘔者，用二錢，暑月少減，用二錢，暑月少減

右藥水煎服，每於經行時服起，日服一劑，每月

三四劑，服至二三月，經即對期，色正，數月必受

孕矣

此仲聖溫經湯原方也。余每於經行少腹脹痛者，加酒元胡一錢五分，手足痠麻，或腰脹疼者，減去黨參，加軟秦艽一錢五分，或二錢，酒炒川續斷一二錢，五心發燒，口乾舌赤者，加生地二錢，額面常發赤者，去黨參，加元參三錢，氣痛者，加四製香附二錢，須打碎，酒炒紫丹參二錢，頭疼者，加香白芷一錢，天麻一錢五分，頭目眩暈者，加茯神二錢，天麻一錢五分，得此方者，細心照此加減，無不應驗，真仙方也。
方內散人特識

女寶丹

調經種子如神兼能安胎保孕

當歸

六兩酒洗

生地

六兩酒蒸

白芍

三兩酒炒

川芎

三兩童便浸晒

白朮

六兩漂淨土炒

條芩

四兩酒炒

廣皮

二兩炒

阿膠

酒浸溶蜜內三兩

香附

童便鹽酒醋

砂仁

二兩炒

四製四兩

以上如法製度為末另將益母草二觔半煎膏

和煉蜜及阿膠為丸如桐子大每服五錢空心

白湯送下月事後期來者去條芩加泡姜灰

一兩、蘄艾二兩、肥者加製半夏三兩、白茯苓四

兩、有白帶者再加白薇四兩、氣虛甚者加黨參

三兩、茯苓四兩、山藥四兩、安胎用白蜜丸、不

用益母膏、如腰痛加山藥杜仲各三兩、一婦

年四十歲、有十餘年不受胎矣、月事前後不准、

而又無子、脉來微細兼數、余製女寶丹、服至百

日而孕、後產一男一女子二十餘歲、有孕至五

月間必墮、已三四次矣、余亦以女寶丹加減付

之、即產子、見醫宗說約

安胎驗方

方本達生篇、分兩過輕、嫌其力薄、稍為加減、如初一二胎、氣血未太虛者、可服此方、

氣血本虛、產育過多、則非後方不濟事也、此方治孕婦腰腹脹痛、或腰不痛、或下血、或未下

血但覺胎動服下即安孕婦三四月間常有氣脹者一月之中服數劑亦佳可保無動胎之患

台黨參 二錢 米炒 漂于朮 一錢五分 土炒 白歸身 一錢五分 正川芎

錢一 酒杭芍 二錢 明阿膠 二錢 另 紫蘇葉 八分 淡條芩 八分

香附米 一錢 醋炒 綿杜仲 一錢五分 川續斷 一錢五分 去毛打碎 鹽水炒

酒炙甘草 五分 西砂仁 七分

外加薜荔藤一團糯米一撮為引

安胎神方 治婦人生育過多氣血虧損以致極易動胎及一切跌傷房勞搬運動胎下血腰腹

疼痛胎氣下墮者服之神效婦人生二三期後及體虛之人俱宜服之

大熟地 三錢 胸腹氣脹者須以西白歸身 三錢 酒砂末 一錢 五分 同搗極爛 洗

酒杭芍二錢正撫芎一錢五分火旺性急之人，口常

一錢二分代之，否則氣寒腹脹者，切勿綿杜仲二錢

減去，以此味能行血中之滯氣，故也。

鹽水川續斷一錢五分酒炒此味，或台黨參二錢

炒氣虛者以酒炒北漂于朮二錢新會皮一錢五分天生苓

綿芪二錢代之三錢如時值炎暑，孕婦口乾而苦者，可加米炒結

西洋參二錢肥麥冬一錢五分去參朮不用，否則

切勿加減，且易此二味，則川芎阿膠珠二錢蛤粉

不必更換，恐過涼而滯氣血也。

旺者炙甘草一錢糯米百粒引，如無糯米，以薛荔藤

生用。

去葉一小團代之，亦妙。此方屢試屢驗，百不失

一如無別症者，不必加減，連服二劑，自愈。薛荔

藤卽俗名巴山虎，貼古牆上生者是也。

安胎補火湯

世人只知火旺動胎，不知下焦虛冷，命門火衰，不能載胎，故至四五月，則胎常下墜，腹常脹滿，始則漏胎，甚則血大下，腹大痛而墮矣。若趁初漏之時，急服此方，無不痊愈。余見屢患小產之人，此症十居八九。陳修園先生辨之最詳，族弟婦某一年之中，小產二三次，就診於余，詢其所服之藥，皆黃芩、阿膠、生地、地榆、側柏之類，一派止血涼血安胎套藥，急與補火之

品連服而愈，越十餘日復漏，再服仍安，滿期卽
誕一子，自後每用此法，神驗屢矣，乃定此方。

大熟地

五錢，淨西砂仁末一錢二分同搗爛。

北枸杞

三錢

兔絲餅

二錢 正

關鹿膏

三錢，牡蠣粉拌炒。

破固脂

三錢，鹽水炒。

川續斷

二錢 白

歸身

三錢，酒炒，大便溏者用土炒。

正川芎

一錢二分

酒杭芍

二錢 淮山

藥

四錢 抱茯神

三錢 台烏藥

二錢 後煨

桂圓肉七枚引

水濃煎服，服之如口覺乾，再加米炒，結西洋參

二三錢，另炖汁對沖，口不乾苦者，不必加用，脾

虛火衰，常患腹痛泄瀉者，加陳土炒于朮二錢。

凡屢患小產之孕婦，審其素體虛寒，或常怯冷畏風，或常腹痛泄瀉，或常傷風咳嗽，皆屬火衰之象。一遇受孕，數月後，覺腹脹胎墜，卽宜急服此方。每日一劑，連服數日。自後一月之中，須間服五六帖，且宜夫婦別寢，確遵胎教。自然正產生子，必健，以補母之後天，卽培兒之先天也。若服此藥，猶不濟事，必須用真鹿胎炙去毛，酒酥配入。參耆、大補氣血，及安胎等藥爲丸，胎前常服，必愈。若火旺之體，但與養陰清火藥自安。此方則

鯉

不宜服也

千金鯉魚湯

治妊娠

即孕婦也

腹脹滿，或渾身

浮腫，小便赤澀，沈堯封曰：此治有形之水也。以腹脹滿為主，身腫溺澀，上加一或字，乃或有或無之詞，不必悉具。

陳良甫曰：胎孕至五六箇月，腹大異常，此由胞中畜水，名曰胎水。不早治，恐胎死，或生子手足軟短。宜千金鯉魚湯，蓋鯉魚歸腎，又是活動之藥。臣以苓朮姜橘，直達胞中去水，又恐水去胎

虛佐以歸芍使胎得養真神方也

當歸 一錢
白芍 一錢
茯苓 一錢五分
白朮 二錢
橘

紅 五分
鯉魚一尾去鱗腸作一服白水煮熟去魚

用汁一盞半入生姜三片煎一盞空心服胎水

卽下如腹悶未盡除再合一服此症孕婦最多此方屢試屢驗

故急登錄

神效保產無憂方 專治一切產症有胎卽能安

胎臨產卽能催生○不拘月分凡胎動不安腰

痠腹痛一服卽安再服全愈○臨盆艱危者一

服卽生。○橫生逆產六七日不下及胎死腹中
 命在須臾者亦一服卽下。○懷孕者七箇月卽
 宜預服七箇月服一劑八箇月服二劑九箇月
 服三劑十箇月亦服三劑臨產時服一劑斷無
 難產之患惟已產之後此藥一滴不可入口切
 勿誤服。

當歸身

一錢五分
酒洗

川貝母

一錢

北綿耆

一錢

荆芥穗

八分
酒

白芍

一錢二分

兔絲餅

一錢五分
揀淨酒泡

紫厚朴

七分
姜汁炒

蘄艾

葉

七分
醋炒

西枳殼

六分
炒

正撫芎

一錢五分

川羌活

五分
炙甘

草五
分

右藥須照方揀選炮製後用戩稱准不可加減分毫引用生姜三片水二大鍾煎至八分服預服者空心服臨產及胎動不安並勢欲小產者皆臨時熱服如人虛弱再加黨參一二錢或加高麗參更妙此方分兩雖輕功力甚大不論體之強弱年之老少皆宜效如神助歌曰歸芎錢半朴艾七耆荆八分川貝一羌甘五分枳六分芎錢二絲錢五畢

愚按此方臨產前服數劑最妙。余家婦女均照前法服之，從無難產之患。抄寫傳人亦無不驗。方名保產，終爲保產起見，而非安胎正名。蓋仍能安胎者，或由體虛，偶因風寒油滯，以致胎氣不安，得此微微發散消導諸味，入調補氣血藥中，故亦獲效。如專恃爲安胎藥，則不可矣。爲醫者不可不知。普明子方解極妙，特附於後。

普明子曰：此方流傳海內，用者無不響應，而製方之妙，人皆不得其解。是故疑信相半。余因解

之新孕婦人胎氣完固腹皮緊窄氣血裹其胞胎最難轉動此方用撐法焉當歸川芎白芍養血活血也厚朴去瘀血者也用之撐開血脉俾惡露不致填塞羌活荆芥疏通太陽將背後一撐太陽經脉最長太陽治而諸經皆治枳殼疏通結氣將面前一撐俾胎氣斂抑而無阻滯之虞艾穗撐動子宮則胞胎靈動川貝兔絲最能運胎順產將胎氣全體一撐大具天然活潑之趣矣加黃耆者所以撐扶元氣元氣旺則轉動

有力也。生姜通神明，去穢惡，散寒，止吐，所以撐扶正氣而安胃氣。甘草協和諸藥，俾其左宜右有，而全其撐法之神者也。此直無上良方，而今人不知用，即用之而不知製方之妙，則亦惘惘然矣。余故備言之，以醒學者。

加味芎歸湯

專治難產及陰氣虛弱，交骨不開，催生如神。

當歸 八錢

川芎 三錢

龜板

五錢，醋炙研末。

婦人亂髮

一大團。

用皂角煎水洗淨，油垢木炭火瓦焙存性，研極細末。

水二碗，煎至一碗，服。如

人行五里之久，即生。若死胎亦即下，如時當正

產已服保產無憂方不生繼服此方必效

蔡松汀先生難產神方

此治漿水既行行之過多而不產由於氣血不能運送故

也宜速服此方切勿見分兩太重而畏服蓋余屢試屢效者也

大熟地

一兩

酒杭芍

一錢

白歸身

四錢

正撫芎

二錢 台黨參

四錢 敗龜板

四錢 北棗杞

四錢 北綿耆

一兩

此方大補氣血若漿水過多不產者宜急煎頭

煎服之次煎不用如仍不產再檢服一劑亦但

用頭煎則痛可立減而胎可下矣按原方微嫌

板滯後經余加減更覺屢用屢驗歸身改為全

當歸、川芎、酒芍再加一錢，審是正產，再加淮牛

膝三錢，虛寒者，速入附桂一二錢。附桂之性最溫，加入大劑

補藥中取其性急如火，以助諸藥所未及。更爲有力，精於此道者自

知之，如氣血未大虛，不過產一二胎者，用加味

芎歸湯可也。胞水先破，難產經日，豬肝六兩，白密二兩，水同酒各二碗煎服，立產。

附王孟英先生服肉湯法一條。一少婦分娩，胞

水早破，胎澀不能下，俗謂之瀝漿生，催生藥遍

試不應，孟英令買鮮猪肉。務須問清，若有病猪肉，切不可買。一

二斤，洗淨切大塊，急火煎湯，吹去浮油，恣飲之。

即產。母子皆生。且云猪為水畜。其肉最腴。大補腎陰。而生津液。余嘗用治腎水枯涸之消渴。陰虛陽越之喘嗽。竝著奇效。仲聖治少陰咽痛。用猪膚。亦取其補陰虛而戢浮陽也。後賢不察。反指為有毒之物。汪詛庵非之。是矣。惟外感初愈。及虛寒滑瀉。溼盛生痰之症。概不可食。以其滋膩。更甚於阿膠。熟地龍眼也。此即飲猪肝湯之意。從古方中悟出。

加減生化湯

治婦人產後血氣腹中塊痛。惡露不多者。服二三劑。神效。

全當歸

五錢

黑炮姜

五分

正撫芎

二錢

酒元胡

一

錢五分

光桃仁 九粒

鮮紅花

五分

益母草

一錢五

分

澤蘭葉

一錢五分

炙甘草

一錢

右藥煎好、用清童便一盞、水酒一杯、分兩次冲服、體素虛者、加台黨參一錢五分、口乾苦唇舌赤者、減去炮姜、加細生地一錢五分、如腹無塊痛者、切勿服、惡露多者、切勿服、又方用新艾葉小尖七箇、煎水酒用紅糖化服、神效無比、按婦人催生安胎諸方、各書均有、惟佛手散及生化湯、最宜審服、昧者視為至平至穩仙方、不知

佛手散專用歸芎二味辛溫走竄生化湯專主
行瘀二方皆須血分寒滯之體服之不無裨益
如陰虛血熱之人惡露已多再行血破瘀必
患虛虛之弊未有不崩漏者當以育陰潛可
歎今人臨產專服佛手散產後專服生化湯亦
不問體氣之寒熱惡露之多少一概用之往往
多成崩漏而發昏厥爲禍不淺積弊已久無人
知之。

國朝陳修園吳鞠通王孟英三先生皆詳闢之洵

不誣也。至保產無憂散。及加味歸芎湯數方。配合相宜。萬全無弊。屢用屢效。固不得以常見而忽之。佛手散不必錄。而生化湯仍加減採用者。聊以備產後血氣痛之用耳。

逐瘀定痛方

治產後惡露不行。或行之稀少。心腹脹滿。兼有瘀塊痛如刀刺。不可按。捫大叫昏悶欲死。服二三劑自安。

全當歸 三錢

正川芎 一錢五分

紫丹參 三錢
酒炒 酒元

胡 一錢五分

益母草 二錢

澤蘭葉 三錢
五靈脂 二錢

生光桃仁 一錢
炒搗體實
瘀重者倍用

桂枝心 五分

南山楂 二錢

糖炙草 六分 水酒清童便各一杯為引、有真琥珀

磨汁分許同冲服、更妙、痛止塊消則停服、此方

須較前症重者、乃可用之、腹痛體虛寒者以安桂心易桂枝心冲服

胞衣不下驗方

無名異 即漆匠所用無名子 灰研極細末三錢 以鴨蛋白調勻、再以

陳米醋一茶鍾、煎滾冲服、其胞衣即縮小如秤

錘產下、倘或未下、不必驚惶、再服一劑即下、萬

無一誤、又方、取未開雞稜子葉、形似荷葉背 多芒刺生於

水面即艾 陰乾、臨時煎水服之、即下、如完葉煎

實葉是也

水服胞衣卽完出，扯作三四片煎水服，亦分作三四片而出神效。又曰：聞此乃極險之症，可以損命，有諸曰：不妨，不必服藥，亦不必驚惶，若胞衣不出，急用粗麻線將臍帶繫住，又將臍帶雙折再繫一道，以微物墜住，再將臍帶剪斷，過三五日自痿縮乾小而下，累用有驗。只要與產母說知，放心不必驚恐，不必聽穩婆妄用手取，多有因此而傷生者，慎之慎之。又法：將產婦自己頭髮塞口中打一惡心卽下。

治產後血暈驗法

凡臨產時先將甄頭數塊炭

火內燒令通紅用淡醋放入杓內入紅甄淬之
滿房盪動冷則再換遇產婦發暈卽以此醋氣
對鼻熏之頃刻清醒極能斂神且可解穢辟邪
如見手足抽掣角弓反張形態速服華陀愈風
散自安或暗用產盆內血挑一小茶匙用開水
對服卽醒但不必令產婦知之此法最捷最效
亦引血下行之意也上兩法無論體氣虛實皆
可救急至昏迷不醒者必須分清閉脫二症用

藥另附辨法於後。按產婦必須俟胎胞已下，看

靜坐養息，如遇發暈，即時用醋氣熏鼻，兼飲以

開水或米漿數口，以助正氣，不可急急搬動，產

婦尤須囑抱腰人緊緊抱住，千萬不可鬆手，蓋

胞胎既出，惡露下行，中焦已空，稍一鬆手，血即

乘虛上衝，勢必不救，屢見遭產厄者，多由於此

慎之慎之。

產後發暈辨明虛實秘訣

產下之後，猝然眩暈

不省者，有血暈血脫二症，宜察唇面之色，及形

象分別之。如果有停痰上攻迷暈者，唇面之色

必赤形氣脈氣俱有餘，胸腹脹痛氣粗外症兩

手握拳牙關緊閉，此血逆症也。以生化湯倍芎

歸和酒童便服。更燒紅鐵淋醋。令酸氣入鼻。收

神。卽醒。審其惡露少。胸腹脹痛。血氣上衝。宜失笑散。薄黃靈脂等分。生研酒服三錢。

如係血虛生風迷暈者。面唇之色必白。是氣脫

也。蓋氣脫一症。產後血既大下。則血去氣亦去。

故昏暈不省。微虛者。少刻卽甦。大虛者。竭脫卽

死。但察其面目。如眼閉口開。手撒手冷。六脉微

細之甚。或浮而散亂。此卽氣脫症也。速用人參

多則一二兩。少則五七錢。加入炒米。煨姜。紅棗

煎濃湯灌之。得下卽可救。遲則無及。無力備人

參者以大劑當歸補血湯加炒米煨姜紅棗煎

水灌下亦可救。按脫症閉症大不相同稍一誤藥生死直同反掌矣嘗見有閉

症宜用逐瘀之劑而誤服補劑而死者遂令產

後畏補如鳩毒皆庸醫貽之咎也。○附脫症案

一條。○己卯五月十七夕居停媳忽患小產血

去過多遽成血脫昏暈時餘余見其大汗如雨

面唇晃白畧無生氣以手撒眼開口張知非閉

症急以參附湯灌之即愈

華陀愈風散

治婦人產後中風口噤手足抽掣及角弓反張或產後血暈不省人事四肢強直或心頭倒築吐瀉欲死

荆芥穗

除梗不用焙乾研末每服三錢童便調服口噤則搗

牙灌之齒噤則不研末只將荆芥以童便煎之

微温灌入鼻中其效如神若無童便則用黑豆

酒亦可

回生保命黑龍丹

治產患及胞衣不下血迷血暈不省人事一切危急惡候垂死者但

灌藥得下無不全活亦治產後疑難雜症

五靈脂

淨二兩

全當歸

大生地

川芎

良姜

各二兩

以上五味入砂礮內紙筋塩泥封固煨紅冷取研細末再入後藥

百草

霜乳香

生硫磺

真血珀

花蕊石

各二錢

以上五味同前藥和勻米醋煮麩和丸如彈子

大每服一九炭火煨通紅用生姜汁浸碎以陳

酒童便調服，不過二丸見效。

愚按此方，友人胡君靖塵曾親製試用，據云產

後一切怪症，屢見神驗，且蒙賜二丸，用之亦效。

有力好善之家，預製待用，拯救貧民，功德無量。

六神湯

治產後痰迷神昏，譫語惡露不斷者，甚或半身不遂，口眼歪斜。

陳橘紅 去白

石菖蒲

半夏麩

法半夏亦可

膽星

茯

神 旋覆花

各一錢

水煎瀉清服

愚按產後惡露不斷，便知非瘀血症矣。其譫語

昏迷，口眼歪斜，或作顛狂之狀，皆痰爲之也。沈

堯封及王孟英二先生俱推重此方著有驗案見女科輯要中蓋此方藥味平淡功效神速凡產婦遇有此症無論知醫不知醫只須審其惡露未斷腹軟不脹確知其為痰迷者照此服三五帖奇驗異常。

清魂散

治產後惡露已盡忽昏暈不知人產後氣虛血弱又感風邪也。

澤蘭葉


人參各二錢五分無人參則用米炒結洋參亦可川芎五錢

甘草

二錢

右為末用溫酒熱湯各半盞調灌一二錢能下

咽卽開眼更宜以漆紙或舊漆器或乾漆燒烟
薰之更淬醋炭於床前使聞其氣必清醒而痊
矣按產後血暈其故不一有因氣脫者有因血
逆者二症已見前論中矣有因血風者愈風
散一方是也惟因痰之症人多未曉其症必痰
盛氣粗或口眼歪邪宜以六神之類加減治之



小兒門

預防小兒臍風馬牙簡驗方

枯礬 二錢五分

礪砂 五分

硃砂 二分

水飛冰片 五厘

麝

香 五厘

共為細末凡小兒生下洗過即用此末摻

臍眼上每換尿布必摻之摻完一料永無臍風等症

小兒初生出痘永不再出神方

金銀花 一錢

紅花 一錢

生地 二錢

桃仁 一錢去

皮尖 荆

芥穗 一錢

赤芍 二錢

當歸 二錢

甘草 五分

以上八味稱足，用水二茶杯，煎至一酒杯，再用小兒落下臍帶約二三寸，炭火瓦上焙乾，忌用煤火，研極細末，入藥儘日內與小兒服完，頭一日服藥，次日出痘，週身形色紅活，與天花無異，三日收功，旋又出疹，而小兒乳食如常，不灌漿，亦不結痂，在小兒初生十八日內服之，有效，過十八日不驗矣。

此方乃南路胡司馬少泉傳自異人，據述是年得一孫，甫屆十二朝，適獲是方，卽如法服之，明

日其痘對對發出、頭至手足皆徧、形色紅活、與正痘無異、踰日而退、旋又發出疹子、亦甚透足、時司獄蔣君有姻戚舉子、已十六朝、急乞是方與服、出痘亦如前狀、羣驚爲神、慶陽易太守馨山、遇產、輒用此方、俱驗、刊施及杭、按方中藥味均極平和、不過清疏活血之常品、其奏效如是之捷者、當由甫生嬰孩、氣血渾融、腠理通達、引以本身臍帶火焙之力、故能將胎毒發出、所謂服藥於未病之先、故能神應如此、旣經屢驗、因

刊送以廣其傳為世之慈幼者一助云

稀痘仙方

羌活 生地 黃柏 防風 升麻 黃連 麻

黃 各五分 甘草 歸身 各三分 干葛 二分 川芎 一

分 柴胡 蒼朮 黃芩 紅花 陳皮 白朮 各

二分 北細辛 藁本 蘇木 各一分 連翹 吳茱

萸 各五厘 共二十二味合為一劑分兩不可加減

每逢立春立夏立秋立冬前一日用水二鍾煎

至七分露一宿如遇風雨次日溫服務留藥半

蓋俟交節之時再服，尤不可誤。一年之內服過四劑，卽永不出痘。服過三年，終身瘡毒亦少。寒族三千餘人，世世相承服此，已屢代不出痘矣。如嬰兒年小，乳母代服亦可。見救急奇方

余家三四十男女小孩服此方後，再種牛痘，現在男女俱半已婚嫁生育，從無一出過痘者。可見此方神驗。近來敝族暨各親友服此者亦不少。余初得此方，見其藥味夾雜，頗不以爲然。及屢用之，小兒均安穩無事，或遇受有外感之時。

服後亦有發熱一日半日泄瀉穢濁一二次者
儘可不理不治自愈真奇方也今詳載傳世願
天下爲父母者每年用心記定四日免小兒異
日出痘之危險不亦一大快事哉
王辰仲夏潛齋氏特識

神授預稀痘疹方

銀花

陰乾金
花不用

飯鍋粬

每一升入銀花一兩共研末
用洋糖或做糕餅以開水調

和每日令小兒食之

又方每年臘月清晨摘帶露綠萼梅蕊一百加上白
洋糖搗成小餅令食之

稀痘丹

赤豆

小飯赤豆

黑豆

菘豆

粉草

各一兩

共爲細末

用竹筒刮去皮兩頭留節一頭鑿一孔以藥末

入筒中用杉木塞緊黃蠟封固外以小繩繫之

投入臘月廁中滿一月卽取出洗淨風乾每藥

一兩配臘月梅花片三錢和勻若得雪中梅花

片落地者不着人手以針刺取者更妙如急用

入紙封套內畧烘卽乾兒大者用一錢小者用

五分俱以霜後絲瓜藤上小絲瓜煎湯調空心

服湯宜多服服後忌葷腥十二日解出黑糞爲
驗一次可稀三次不出每年服一次

愚按稀痘之法甚多莫妙於前數方者是書非
驗方不傳願誠心保赤者遵而行之

治小兒臍風撮口方

臍內受風以致面赤喘急

啼不出聲其下身必發青筋一道須臾行至腹

却開兩叉遲則行至急用香油燈草火於青筋

起處灸三次於兩叉盡處各灸三次臍上灸三

次再用 紫蘇 前胡 殭蠶炒各等分水煎

俟溫以綿蘸滴口中頻滴以口開爲度開口後
切勿卽令吮乳

治小兒舌黑腫硬奇方

用大針刺破舌尖見血

用銀簪將血盡行刮出毒從血去用新鮮生雞蛋在壳尖開一小孔傾出蛋白用手掌載住用微力擦小兒前心后背心左右軟腰部位命門骨每處擦四次每次用蛋白一蜆壳擦至蛋白盡爲度片時擦處發出黑毒蕊數百條長三分如烏鴨毛管樣用新綿花鋪在毛上又用紬帕

或軟布帕扎住、片時其毒毛自落棉裏、舌退黑

色復轉細軟、即能飲乳而愈

胎毒欲洩無路、惟蛋白其色屬肺肺

主皮毛故開毛管而毒從此出矣

如喉腫或額烏藍、嘴角青牙

齧緊兩乳有核、雙目閉不能飲乳等症、亦照上

法擦之、自然喉腫消、青藍退、目開飲乳矣、驗案

甚多、茲不具載

治小兒鵝口方

即滿口白爛者是也

凡小兒舌苔白厚、乾硬

成塊、兼之舌尖及唇紅色、小便短赤、此氣分之

溼熱所化、非寒也、先用鮮鵝屎

屎上帶白、色者佳

開水

冲泡澄清去滓候温以布纏指蘸拭口中洗去涎濁卽搽此末於舌之上下神效勤洗勤搽數次苔退爛愈吮乳自如常矣

冰片 一分 熟礪砂 三分 飛辰砂 二分 元明粉 三分

麝香 五厘 川連 三分 蘇薄荷 一錢 黃柏 五分 青黛

四分 水飛 共爲細末每用少許擦患處喉腫則吹之小

兒一切口舌喉症皆可治如自用尙有餘末仍須磁瓶收貯封固以應貧民之需善莫大焉

八寶丹

治一切風痰發閉驚風發搐昏沈謔語不知人事危在頃刻

九轉胆星 五錢
川羌活 五錢
北全蝎 五錢酒洗炒
去足

姜蠶 五錢姜汁炒
雙鈎藤 淨末八錢
雄黃 二錢
天麻 八錢

煨白附子 三錢煨
淮山藥 五錢
白茯神 五錢
遠志肉

五錢甘草水洗
真麝香 五分
石菖蒲 二錢
大梅片

五分
真琥珀 三錢
珍珠 一錢五分豆腐內煮過研末水飛
真牛黃

一錢
金箔 五分
枳實 三錢炒

共為末用竹瀝調和少加姜汁為丸如小痧藥
大一二歲者服三五粒三四歲者或五粒或七
粒量兒之大小強弱與之此方如有力者預製

施送。有起死回生之功。

取竹瀝法、用新鮮竹、截去兩頭、中間留節、畧尺餘長、放炭火爐上、兩頭自然熏蒸出油、用磁盤

承之、

秘傳抱龍丸

專治小兒驚風發搐、咳嗽痰喘、舌赤唇乾、口渴便短、手足抽掣、痰涎壅盛、一切驚癇風熱諸症、神效。

白附子

二兩 炮

胆星

一兩 姜炒

羌活

一兩

姜蚕

一兩 炒去嘴

前胡

一兩

橘紅

一兩 五錢

天竺黃

二兩

天麻

一兩 紙包

煨青皮

一兩 醋炒

全蝎

一兩 米炒

黃芩

生 八錢

花粉

二兩 生

生

壽世新編

小兒門

星

黃連 五錢 南薄荷 一兩 真琥珀 三錢 盛沈香 一錢

抱茯神 一兩 雙鈞藤 一兩

共為細末、煉蜜丸、芡實大、硃砂為衣、每服一丸、

開水化下、重則二三丸、量小兒大小強弱用之、

此丸面青、唇舌淡白、小便清利者、則不可服、

沈瀝丹 治小兒一切胎毒、胎熱、胎黃、面赤、目閉、鵝口、口瘡、重舌、木舌、喉閉、乳蛾、渾身壯熱、小便黃、赤、大便閉結、麻疹、斑瘰、遊風、癩疥、流丹、癰疹、痰、食風、熱疔、腮面腫、十種火丹、諸般風、擣皆神效

杭川芎 九錢 錦莊黃 九錢 實黃芩 九錢 厚黃柏 酒炒

九錢 黑牽牛 炒取頭末六錢 薄荷葉 四錢五分 粉滑石 水飛六錢

尖栳榔 七錢五分 陳枳殼 四錢五分 淨連翹 除去

童便洗晒 取淨京赤芍 六錢炒

右十味依方炮製和勻焙燥研極細末煉蜜爲丸如芡實大月內之兒每服一丸稍大者二丸俱用茶湯化服乳母切忌油膩但覺微有泄瀉則藥力行病卽減矣如不泄再服之重病每日三服以愈爲度此方斷不峻厲幸無疑畏惟胎寒胎怯面青白者忌之小兒一切火症凡大便閉結者屢驗如神此方古書未載得之異授微似古之神芎丸近有

能者、妙出化裁而增損之、遂爲幼科有一無二之神方、作三焦之主治、蓋凡臟氣流通者、必不鬱滯、或受毒於妊前、或感邪於誕後、遂爾中氣抑鬱、則見以前諸症、方內所有黃芩、清上焦之熱、黃柏、清下焦之熱、大黃、清中焦之熱、又藉其有推陳致新之功、活血除煩之力、能導三焦鬱火、從魄門而出、猶慮苦寒凝膩、復加枳、榔、枳、殼之辛散、爲行氣利痰之佐使、川芎、薄荷、引頭面風熱、從高而下趨、連翹、解毒、除煩、赤芍、調榮活

血牽牛利水、走氣分而舒鬱、滑石清潤、抑陽火而扶陰、又能引邪熱從小便而出、用治以前有餘諸證、應如桴鼓、余生平最慎攻伐、惟此方用之最久、功效莫能殫述、真濟世之良方也。見幼幼集成

瀉青丸

此肝經之主藥、凡幼科中截風、定搐之方、多用金石腦麝、體虛弱者不宜、惟此方清心平肝、疏風涼血、凡小兒作熱不退、將成風搐、或已成風搐、但服此丸、其應如響、方雖古方、人不知用、余昔遊潭州、遇師指授、始能用之。見幼幼集成

川羌活 一兩
正川芎 一兩
黑梔仁 一兩
龍膽草 一兩

兩全當歸 一兩
北防風 一兩
錦莊黃 五錢

厚世斤編
小兒門
星

右藥合爲一處用火烘燥研爲細末煉蜜爲丸

青黛爲衣如大豆大每服一二丸茶清化下

瀉白丸

止嗽疏邪消痰定喘清熱順氣凡嗽而聲不轉者效

石膏

二兩煨熟

花粉

川貝母

去心

陳香圓

去穰

胆南

星欵冬花

薄荷葉

各一兩

甘草

細芽茶

各

七錢以上九味共爲細末聽用

麻黃

一兩五錢

防風

桑皮

蜜水炒

杏仁

去皮尖炒

前胡

紫苑

蘇子

炒爲末各一兩

陳瓜蘖

一大箇

柿餅

三兩

山梔

一兩

葶歷子

炒五錢

以上十一味

用水煎去渣瀘清再入蘿蔔汁水梨汁飴糖各
四兩姜汁五錢煎成膏滴水成珠爲度將前藥
末和勻爲丸每服一丸每丸重一錢燈芯湯化
下大人噉化風邪痰火咳嗽如神

化毒丹

治一切胎熱毒遊風丹毒熱癰口疳疔火燥渴煩燥大便結小便濇赤等症

真犀角

川黃連

桔梗

玄參

薄荷葉

粉

甘草

各一兩

青黛

五錢

大黃

酒蒸九次五錢

硃砂

三錢另研極細

右爲細末煉白蜜爲丸丸重一錢二分每服一

丸燈芯湯化下

小牛黃丸

治痰逐積追蟲消食清熱定驚除膨消脹凡大便不通或按腹中硬痛者以此下之急驚痢疾初起神效

黑白丑

頭末各七錢半

大黃

一兩五錢

胆星

五錢

半夏

五錢

姜汁

枳實

五錢

牙皂

三錢

右為極細末煉白蜜為丸丸重一錢二分週歲者服一丸三週者二丸生姜湯化下追蟲糖水

送下

沈香末子

治乳食傷脾胃以致嘔吐泄瀉痢疾瘧疾心腹疼痛大便下血寒熱不止凡兼胸腹脹滿暖氣作酸惡心惡聞食氣及不思食下洩臭屁上症不必悉具凡見一二定為傷食此方

主之

香附鹽水拌炒 檳榔 厚朴姜汁炒 陳皮炒各四兩 枳殼炒 枳

實炒 青皮醋炒 查肉 麥芽炒 神麩炒 陳蘿蔔子炒各

二兩 酒餅即做酒藥炒 柴胡 桔梗 川芎各一兩

二錢 白朮漂土炒 軍姜炮 沈香另研 木香忌火各一兩

共為極細末，週歲者服七分，二三週者一錢，糖

拌空心生姜湯下，便血米湯送下，小兒下血

多因飲食傷脾，脾不攝血，若用止血之劑，及溫

補升提之法，無益也，余製此方，以消食為主，食

小兒門

卷

消則脾氣自復、血不治而自愈、

小紅丸

治一切咳嗽、驚癇、發搐、發熱、齁喘、痰涎上壅、痰厥卒倒等症、

全蝎

去刺 一兩

南星

一兩

硃砂

四錢五分

牛子

五錢

巴

豆霜

二錢半

右為極細末、糯米糊為丸、如菜子大、週歲者每

服三四十九、二週者七八十九、看小兒大小強

弱用之、燈芯湯送下、

以上連五方見醫宗說約

蘇合香丸

治一切氣痛、氣逆、中氣不和、婦人噯氣、或暴卒鬼魅惡氣等症。此丸購自粵東者

佳、緣犀角安息酥合香等、江右難得真者、聊錄藥品俾閱者知製方之原、以便購用也、

犀角三兩 冰片一兩 檀香二兩 木香二兩 安息香

到未 酒浸沈香二兩 酥合香一兩 硃砂一兩 白朮二兩

華撥二兩 柯肉二兩 乳香一兩 薰陸香一兩 丁香二兩 香

附二兩 明天麻二兩 金箔一百張 麝香一兩 另研

右藥各味剉成粗片，研為細末，入冰麝安息酥

合油，同藥拌勻，煉蜜為丸，一錢重，用蠟包裹。

愚按所選秘驗各丸方，有力好善之家，或隨製數種。

或多合施送，洵濟世利人之事。修福種德之端

也。但須遇小兒危險之症，乃可用之。若些小風

寒油滯以致發熱輕症則不必小題大做或用

藥茶

即前載四時茶藥方

一撮審其為風寒加生姜葱白

淡豆豉為引煎服泡服均可審傷油滯加炒陳

建曲一塊炒山楂二三錢同煎如夏天吐瀉或

頭疼發熱或胸腹脹滿則用加味藿香正氣散

遇受暑或用刮刺諸法或用六一散加入鮮藿

香葉數片泡服皆可痊愈至風熱痰厥驚風發

搐則非諸丸方不能見效也

丸者緩也氣味俱全故效最速妙在

藥性雖峻而所用不多誠能對症功效如神但與丸藥時總須問清寒熱唇舌大小便耳

雞肝藥

治小兒疳積、肝經積熱、以致眼閉、眼紅、失明、腹脹等症。

白肉雷丸

一兩赤色者不用、用蒼朮一兩、同煮一二十滾、去蒼朮切片。

使君子

肉

一兩、黑而虫蛀者不用。

二味焙乾等分、鉄礪肉研、用不

落水雞軟肝一具、男用雌、女用雄、將末藥一錢

滲上飯上蒸熟、小兒食之、即愈、輕者二三服、重

者不過七服、神效、忌猪肝、及猪牛犬肉、不忌損

目、此方係王仙師所傳、吳中專司疳積者、惟賴

此方、其效若神、余竭力覓之、以公海內、庶得好

生之意云

按小兒蟲積、腹中膨脹、面色黃瘦、或能飲食而不生肌膚、或好食雜物、而

不思飲食，以致上攻眼目者，投以此方如神。

雞肝藥

凡小兒疳積攻眼，已成外障翳膜者，用此方治之，輒效。

滑石

六錢

雄黃

二錢

硃砂

三錢

水飛

冰片

三分

石

決明

一兩五錢

煨

海螵蛸

四錢

煨

蘆甘石

六錢

童便

煨七次

赤石脂

三錢

煨

右共為末，每雞肝一具，入藥末五分，陳酒米泔各半盞，飯上蒸熟食之，開瞽復明。又方：每歲

服一分。

四寶丹

治小兒面色黃瘦，肚腹膨脹，好食生米泥土，木炭等症。

使君肉 一兩
檳榔 一兩
南星 一兩
姜汁製
如小兒

好食茶葉、加炒茶葉一斤、如食生米、加炒麥芽
一斤、食黃泥、加壁土一斤、食黑炭、加黑炭一斤、
隨所嗜而加之、共研末、煉蜜為丸、梧子大、每服
五十九丸、晨早以沙糖水送下、

燒針丸 治小兒吐瀉如神

黃丹 硃砂 各水飛
白礬 火煨各等分
共為末紅

棗肉為丸、黃豆大、每服三四丸、截針尖上、放燈
焰上燒、存性研末、或涼水泔水調服、瀉者食前

服吐者不拘時服。外用雞蛋清調和真菜豆

粉作膏吐者塗足心瀉者塗顛門。

火瀉方

凡小兒身熱如火口渴喜飲冷而不喜飲熱湯者是也

車前子

二錢

茯苓

白芍

各一錢

黃連

三分

澤瀉

五分

猪苓

三分

麥芽

一錢

只壳

二分

水煎服

一劑

卽止此治火之聖藥也。

寒瀉方

寒瀉者腹痛喜手按摩口不乾而舌滑者是也

黨參

白朮

各一錢

茯苓

二錢

肉桂

干姜

各二

分

甘草

一分

砂仁

一粒

神曲

五分

水煎服

此方健

脾補氣分溼利水祛寒之聖藥自然寒瀉立止

立止水泄方

車前 澤瀉 各一錢 厚朴 一錢二分 姜汁炒 共研末滾水

調服立愈

肥兒丸 常用可免飲食傷脾之症

山藥 二兩 茯苓 白扁豆 炒 五穀蟲 淘洗 炒 山楂 炒

白芍 炒 麥芽 炒 神曲 炒 當歸 各一兩五錢 白朮 炒 土

陳皮 使君子肉 煨 各一兩 生甘草 七錢 胡連 七

錢姜汁炒 密丸 菉豆大 每服二三錢

秘傳五疳散

專治小兒五疳潮熱面黃肌瘦煩渴吐瀉肚大青筋手足如柴精神疲倦歷試

有效無疾預服此藥則諸疾不生元氣虛弱者服半月自然肥滿身體輕健

白朮 一兩五錢 蜜水炒

白茯苓 七錢五分 去皮

甘草 一錢五分

麥冬 一兩 去心

使君肉 七錢五分 切碎畧炒

山查肉 五錢

麥芽 炒

五錢 金櫻子 肉畧炒

芡實 二錢五分

蓮肉 隔紙炒

五錢

青皮 去穰麩

炒二錢

橘紅 五錢

右為極細末和勻重七兩每次用藥末一兩煉

蜜半斤或四兩調成膏每日中晌晚間各服一

二茶匙溫水漱口如身熱咳嗽加地骨皮百部

各五分、如肚腹飽脹、大便秘水、腸鳴作漉、或蟲
出、不和、加枳榔二錢五分、木香一錢、如稟受氣
弱、加黨參二錢五分、

煉蜜法、用極大青竹筒一節、削去外面青皮、兩
頭留節、將一頭錐一孔、灌蜜令滿、仍用竹釘固
孔、以水煮蜜熟爲度、或加茅根一把、在水中煮
蜜更佳、如將蜜通煉、臨時調藥、旋服亦好、途中
無蜜、滾白水調服亦可、

肥兒丸

治五疳五痢、瀉蛔蟲、臟腑虛弱、身體羸瘦、髮
監焦黃、小便濁色、消積化食、健脾和胃、長肌

肉、肚、腹、膨、脹、俱、宜、服、

陳皮一斤 甘草四兩 蓬朮六兩 厚朴八兩 枳實炒

連翹六兩 香附一斤 查肉六兩 神曲六兩

羅葡子八兩 胆草六兩 青皮子八兩 川連炒 白朮

土炒 檳榔各八兩

共為極細末、煉白蜜為丸、如龍眼大、空心清米

湯下、若疔積、加蘆薈、胡黃連、銀柴胡、名蘆薈丸、

又名五疔保童丸、此須夜間發熱、骨瘦如柴者

可用、一方加蝦蟇食蛆、或用蝦蟇食蛆、俱燒

存性入前藥內名乾蟾丸虛者加苡米仁山藥
虛甚加黨參有蟲加川練子使君子肉鶴虱

愚按肥兒丸方書所載不一而足大約不外健脾攻

積去蟲導滯但多用苦寒最易敗胃茲採取三

方前二方運土補脾可作小兒時常服食之品

後一方則專為攻蟲積而設凡小兒面黃腹大
小便渾濁如米泔

大便溏泄酸臭皮毛枯索頭面生瘡揉耳擦目
指甲掐人雙日羞明生翳夜熱晝涼等症皆疳

病見端也不必悉具但見二神而明之存乎其
三種即是不可不知

人一任高明採擇可也又附數方於左

治小兒諸疳方

使君子肉 二錢 雷丸 枳榔 各一錢 黑丑 赭石

各五分

俱生晒研末，每服三分，以雞卵一枚打破

空頭納藥，紙封飯上蒸熟食之，藥完即愈。

治小兒積滯方

海蜇 鳧苳 即葶藶 別名 常煮食之，兼治大人痰哮及

肝乘胃痛，浸燒酒飲之，能消大人胸中痞塊，又

紹興青腐乳汁作下飯，能消疳積，治腹脹牙黃。

治小兒疳氣攻目方

雞肝一具不落水、竹刀切片、用牡蠣粉八分、飛辰砂少許、拌勻、糝入飯鍋上蒸熟食之、如此十次、霧卽退淨、當時忌食茶湯油膩、

治小兒疳病方

雞肫皮二十箇、勿落水、瓦焙乾、研末、車前子四兩、炒研末、二物和勻、以米糖溶化、拌入與食、食完卽愈、忌油膩麪食煎炒、又方取田雞白水煮熟、姜末少許亦效、

治慢驚風心得神方

未附鄙見
數條存參

武進莊在田著

慢驚之症。緣小兒吐瀉得之爲最多。或久瘧久痢。或痘後疹後。或因風寒飲食積滯。過用攻伐傷脾。或秉賦本虛。或誤服涼藥。或因急驚而用藥攻降太甚。或失於調理。皆可致此症也。其症神昏氣喘。或大熱不退。眼翻驚搐。或乍寒乍熱。或三陽晦暗。或面色淡白青黃。或大小便清白。或口唇雖開裂出血。而口中氣冷。或瀉利冷汗。或完穀不化。或四肢冰冷。並至腹中氣响。喉內痰鳴。角弓反張。目光昏暗。此虛症也。亦危症也。俗

名謂之天弔風。虛風慢驚風。慢脾風。皆此症也。若再用寒涼。再行消導。或用胆星抱龍以除痰。或用天麻全蝎以驅風。或用知柏芩連以清火。或用巴豆大黃以去積。殺人如反掌。實可畏也。若治風而風無可治。治驚而驚無可治。此實因脾胃虛寒。孤陽外越。元氣無根。陰寒至極。風之所由動也。治宜先用辛熱。再加溫補。蓋補土所以敵木。治本卽所以治標。凡小兒一經吐瀉。交作卽是最危之症。若其屢作不止。無論痘後疹。

後病後不拘何因皆當急用參朮以救胃氣姜
 桂朮熟等藥以救腎氣不惟傷食當急救之卽
 傷寒傷暑亦當急救之蓋其先雖有寒暑實邪
 一經吐瀉業已全除脾胃空虛倉廩空乏若不
 急救恐虛痰上湧命在頃刻矣庸醫不明皆誤
 指爲熱爲食投以清火去積涼藥立時告變爲
 之奈何與其失之寒涼斷難生治不若試之溫
 補猶可救療此語發明吐瀉驚風之理最爲明
 透後之君子願無忽諸今將慢驚辯症臚列於
 後

一慢驚吐瀉脾胃虛寒也。

一慢驚身冷陽氣抑遏不出也。服涼藥之後，往往至此。

一慢驚鼻孔煽動真陰失守虛火燥肺也。

一慢驚面色青黃及白氣血兩虛也。

一慢驚口鼻中氣冷中寒也。

一慢驚大小便清白腎與大腸全無火也。

一慢驚昏睡露睛神氣不足也。

一慢驚手足抽掣血不行於四肢也。

一慢驚角弓反張血虛筋急也。

一慢驚乍熱乍涼、陰血虛少、陰陽錯亂也。

一慢驚汗出如洗、陽虛而表不固也。

一慢驚手足痠痿、血不足以養筋也。

一慢驚顛門下陷、虛至極也。

一慢驚身雖發熱、口唇焦裂出血、卻不喜飲冷茶、水進以寒涼、愈增危驚、以及所吐之乳、所瀉之物、皆不甚消化、脾胃無火可知。唇之焦黑、乃真陰之不足也明矣。

大凡因發熱不退及吐瀉而成者、總屬陰虛陽

越必成慢驚。並非感冒風寒發熱可比。故不宜發散。治宜培元救本。加姜桂以引火歸源。必先用辛熱沖開寒痰。再進溫補方爲得法。經驗二方列後。

逐寒蕩驚湯

此方藥性溫煖。端治小兒氣體本虛。或久病不愈。或痘後疹後。或悞服涼藥。泄瀉嘔吐。轉爲慢驚。清熱散風。愈治愈危。速宜服此。能開寒痰。寬胸膈。止嘔吐。蕩驚邪。所謂回元氣於無有之鄉。一二劑後。嘔吐漸止。卽其驗也。認

明看症數條但係虛寒即宜服之不必疑畏也

胡椒一錢 炮姜一錢 肉桂一錢 丁香十粒

右四味研為細末以灶心土三兩煮水澄極清煎藥大半茶杯頻頻灌之接服後方定獲奇效加味理中地黃湯此方助氣補血卻病回陽

治小兒精神已虧氣血大壞形狀狼狽瘦弱至極皆可挽回如法濃煎頻頻與服參天救本之功有難以盡述者

熟地五錢 當歸二錢 萸肉一錢 枸杞二錢 白朮三錢

錢

炮姜

一錢

黨參

二錢

炙甘草

一錢

棗仁

二錢 研

炒

肉桂 一錢

故紙 二錢

炙芪 二錢

加生姜 二錢

片紅棗 三枚

核桃肉

二箇 爲引

仍用灶心土

二兩

煮水煎藥取濃

汁一茶杯另用附子

五分

煎水攪入諒兒大小分

數次灌之如咳嗽不止者加藉殼

一錢

金櫻子 一錢

如大熱不退加白芍

一錢

泄瀉不止者加丁香

五分

只服一劑卽去附子只用丁香

七粒

隔二三日只

用附子二三分蓋因附子大熱中病卽宜去之

也如用附子太多則小便閉塞不出如不用附

子則沈寒臟腑固結不開，如不用丁香，則泄瀉不止。若小兒虛寒至極者，附子不妨用至一二錢。此所謂神而明之，存乎其人。用者審之。此方乃救陰固本之要藥。治小兒慢驚，稱爲神劑。若小兒吐瀉不至已甚者，或微見驚搐，胃中尙可受藥，喫乳便利者，並不必服。逐寒蕩驚湯，只服此方一劑，而風定神清矣。如小兒尙未成驚，不過昏睡發熱不退，或時熱時止，或日間安靜，夜間發熱，以及午後發熱等症，總屬陰虛，均宜服。

之。若新病壯實之小兒眼紅口渴者。乃實火之

症。方可暫行清解。但係實火必大便閉結。亦間有泄

瀉為火迫下注者。須細辨之。潛批氣壯聲洪。且喜多飲冷茶水。

若吐瀉交作。則非實火可知矣。此方補造化陰

陽所不足。實回生起死有神功。倘大虛之後服

一劑無效。必須大劑多服為妙。

愚按慢驚一症。尤推逐寒蕩驚湯。與加味理中地黃湯

為神方。然必須辨之的確。乃著奇效。稍一心粗

必誤事矣。大凡此症多由體氣怯弱。或為父母

者矜持太過。每遇小兒有病。醫藥雜投。丸湯兼
進。消導寒涼。屢進不易。以致攻剋太過。元氣大
傷。變成慢驚。若但見吐瀉。往往有因食滯暑熱
者。誤用此方。禍如反掌。余故特附火瀉一方於
前。二驗案於後。使人得以參變。至於慢驚案。雖
多。福幼編中載之已詳。儘可揣摩。不欲多贅也。
驗案二條

凡小兒吐瀉。雖甚。倘見口渴便少。不可誤服理
中地黃之類。余有姪女。未週歲。夏患吐瀉。發熱

三日吮乳非吐出。卽瀉出。時欲作角弓反張狀。審其口渴甚。便極少。唇乾帶黑色。舌無津液。知雖口氣微冷爲虛寒。因渴甚。便少。不敢遽作虛治。乃投以五苓散。加藿香一料。又以七味白朮散代茶。兒渴甚。不分甘苦。入口便吞。飲完。出微汗。畧小便。泄瀉畧減。至夜渴仍甚。且發煩欲瘥。余細察其土木不和。復以陳灶心土一大塊。以安其中宮。烏梅二大枚。以斂其肝木。燈芯十餘莖。以清其心火。一服卽安睡。半日熱退神清而

愈。又治一小孩燒熱一月時熱時退後更每
日大瀉一二次完穀不化見其骨瘦如柴竊疑
爲慢驚。俟細望色審竅大不以爲然。蓋問其所
瀉者極多極速。色黃色黃者屬熱也。多而速者
火迫下注也。又見其面色雖黃而兩目光瑩。面
黃爲病久。目有光者神未敗。且卜其內有熱也。
又見其指紋粗大帶紫色。紫色屬熱也。而且唇
乾舌燥。口渴腹膨。便短赤。益知其三焦有熱。故
膀胱水道不行也。乃直投五苓散加梔仁。
涼一劑

劑。諸症俱退。二劑全愈。使當時稍一偏執。見孩
瘦又病久。斷爲慢驚。用溫補之類。則是兒由我
而死已耳。我必深自引咎。而疑此書之不可信
也。記此爲粗心者戒。濟齋氏識

又按前所列抱龍八寶諸丸。皆追風清熱化痰之藥。
急驚最爲對症。慢驚最忌。甚者下喉卽死。知之
慎之。

附慢驚方。如鄉間製藥不及。急取雞鴨窩。要養雞鴨
數十年者

糞泥下淨土一撮。去糞數寸者
不要有糞煎水服。立愈。屢

試如神

辨症簡切要訣

小兒熱症有十 面頰紅 唇舌赤 大便閉

小便短赤 渴不止 或欲飲冷 上氣急 胸滿 神氣煩

燥 哭聲洪亮 此條須兼看乃得因 手足心熱

眼紅赤 此皆實熱症忌用溫補

小兒寒症有十 面晁白 舌淡白 糞青白

肚虛脹 小便清 或微黃 眼珠青 口不渴 或渴

不多飲飲亦喜 聲低神倦 吐瀉無熱 不但無外熱且

無目渴唇紅舌赤
便短內蘊之熱也
手足厥冷
此條亦有伏熱症
須兼看他症乃得

睡露睛
此皆虛寒症
忌用寒涼
見幼幼集成

愚按以上所論寒熱諸症不必悉具但見數條便是

總須細辨為要

歐陽文忠公集

歐陽文忠公集卷之十

雜著

歐陽文忠公集卷之十